



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ N 304 -Լ

«22» ԴԵԿՏԵՄԲԵՐԻ 2023թ.

ՀՀ ՎԱՅՈՑ ՁՈՐԻ ՄԱՐԶԻ ԱՐՏԱԿԱՐԳ ԻՐԱՎԻՃԱԿՆԵՐԻ ՄՇՏԱԿԱՆ ԳՈՐԾՈՂ  
ՀԱՆՁՆԱԺՈՂՈՎԻ ԿԱԶՄԸ, ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՊԵՏԻ 2010 ԹՎԱԿԱՆԻ  
ՕԳՈՍՏՈՍԻ 5-Ի ԹԻՎ 74 ՈՐՈՇՈՒՄՆ ՈՒՔԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարելով «Տարածքային կառավարման մասին» օրենքի 5-րդ հոդվածի 3-րդ մասի, 19-րդ հոդվածի, «Արտակարգ իրավիճակներում բնակչության պաշտպանության մասին» օրենքի 15-րդ հոդվածի, «Նորմատիվ իրավական ակտերի մասին» օրենքի 37-րդ հոդվածի 1-ին մասի պահանջներով՝

**Որոշում եմ՝**

1. Հաստատել Վայոց ձորի մարզի արտակարգ իրավիճակների մշտական գործող հանձնաժողովի կազմը՝ համաձայն հավելված 1-ի:
2. Հաստատել Հայաստանի Հանրապետության Վայոց ձորի մարզի արտակարգ իրավիճակների հանձնաժողովի կանոնադրությունը՝ համաձայն հավելված 2-ի:
3. Ուժը կորցրած ճանաչել ՀՀ Վայոց ձորի մարզպետի 2010 թվականի օգոստոսի 5-ի թիվ 74 որոշմամբ հաստատված «Վայոց ձորի մարզի արտակարգ իրավիճակների մշտական գործող հանձնաժողովի կազմը, կանոնադրությունը հաստատելու» մասին որոշումը:
4. Որոշումն ուժի մեջ է մտնում ստորագրման պահից:



Signed by: KOLYA MIKHAELIAN 3507670100

Գ. Էղեգյան

Կ. ՄԻՔԱԵԼՅԱՆ

Հավելված 2



ՀՀ Կայոց Ձորի մարզպետի

2023թ. դեկտեմբերի

.....

..... որոշման

## Կ Ա Ն Ո Ն Ա Դ Ի ՈՒ Թ Յ ՈՒ Ն

### Հայաստանի Հանրապետության Կայոց Ձորի մարզի Արտակարգ Իրավիճակների հանձնաժողովի

#### 1. Ընդհանուր դրույթներ

Կայոց Ձորի մարզի Արտակարգ Իրավիճակների հանձնաժողովը (այսուհետ՝ ԱԻՀ) հանդիսանում է մշտական գործող, արտակարգ իրավիճակներում բնակչության և տարածքների պաշտպանության խնդիրների լուծմամբ զբաղվող մարմին:

ԱԻՀ-ն ապահովում է Կայոց Ձորի մարզի, նրա համայնքների և օբյեկտների բնակչության պաշտպանության համակարգի կայունությունը, կառավարման կառուցվածքի կատարելագործումը, խոշոր վթարների և արտակարգ իրավիճակների (այսուհետ՝ ԱԻ) կանխարգելմանն ու հետևանքների վերացմանն ուղղված ուժերի և միջոցների պատրաստականությունը, ինչպես նաև գնահատում է ԱԻ-ի պատճառած վնասի չափը:

ԱԻՀ-ի նախագահը ի պաշտոնե հանդիսանում է մարզպետը, իսկ տեղակալներ՝ հաստիքային տեղակալը (տեղակալներից մեկը՝ մարզպետի որոշմամբ), Կայոց Ձորի մարզային փրկարարական վարչության (այսուհետ՝ ՄՓՎ) պետը, Արարատի զինվորական կայազորի պետը:

ԱԻՀ-ը մարզպետի կարգադրությամբ, իրավունք ունի կատարել ուսումնասիրություններ Կայոց Ձորի մարզի բոլոր օբյեկտներում, իրականացնել վերահսկողական մեթոդական գործունեություն, կազմել ակտեր այդ օբյեկտների կողմից տարերային և տեխնաձին բնույթի արտակարգ իրավիճակներից բնակչության և տարածքների պաշտպանության համար ձեռնարկված միջոցառումների վերաբերյալ:

Հանձնաժողովի նիստերը հիմնահարցերի վերաբերյալ անցկացվում են եռամսյակը մեկ, իսկ ընթացիկ հարցերի վերաբերյալ՝ ըստ դրանց առաջացման անհրաժեշտության:

ԱԻՀ-ն իր գործունեությունն իրականացնում է ղեկավարվելով Հայաստանի Հանրապետության օրենսդրությամբ, սույն կանոնադրությամբ և արտակարգ իրավիճակների կանխարգելմանն ու վերացմանն ուղղված այլ օրենսդրական ակտերով:

ԱԻՀ-ի որոշումները ենթակա են մարզպետի հաստատմանը և պարտադիր են մարզի տեղական ինքնակառավարման մարմինների, մարզի տարածքում գտնվող բոլոր ձեռնարկությունների, կազմակերպությունների և հիմնարկների համար՝ անկախ նրանց գերատեսչական պատկանելիությունից և սեփականության ձևից:

Արտակարգ Իրավիճակների Հանձնաժողովը.

- համակարգում է մարզի տարածքում գտնվող կազմակերպությունների, հիմնարկների և ձեռնարկությունների գործունեությունը՝ ԱԻ-ում գործելու, արտակարգ իրավիճակների կանխարգելման և հետևանքների վերացման ուղղությամբ.
- մասնակցում է ԱԻ-ի կանխարգելմանն ու հետևանքների վերացմանն ուղղված ծրագրերի մշակմանը և իրականացմանը.
- զանգվածային լրատվության և այլ միջոցներով ԱԻ-ից բնակչության և տարածքների պաշտպանության վիճակի և անվտանգության ապահովման ուղղությամբ ձեռնարկված միջոցառումների վերաբերյալ բնակչությանն ապահովում է հավաստի և օպերատիվ տեղեկատվությամբ.
- ստեղծում է արտաբյուջետային պահուստային հիմնադրամներ՝ ԱԻ-ի կանխարգելման և հետևանքների վերացման, վթարա-վերականգնողական կազմավորումների ապահովման համար.
- ղեկավարում է բնակչության և կառավարման մարմինների ԱԻ – ում գործելու պատրաստականության բարձրացման գործընթացը:

## 2. ԱԻՀ – ի խնդիրները, գործառույթները և իրավունքները

### 2.1 ԱԻՀ – ի հիմնական խնդիրներն են՝

- տարերային և տեխնաժին բնութի ԱԻ- ից բնակչության և տարածքների պաշտպանությունը կանոնակարգող օրենքների և այլ նորմատիվային ակտերի կատարման կազմակերպումը.
- ԱԻ-ի կանխարգելման միջոցառումների, նրանց հետևանքների նվազեցման, ԱԻ-ի պայմաններում պոտենցիալ վտանգավոր (հրդեհավտանգ, պայթուցավտանգ, հիդրոտեխնիկական և այլն) օբյեկտների աշխատանքի հուսալիության ապահովման միջոցառումների կազմակերպումը և հսկողությունը.
- տարածքների և պոտենցիալ վտանգավոր օբյեկտների վիճակի հսկողության իրականացումը, ԱԻ – ի կանխատեսումը.
- Վայոց Ձորի մարզում կառավարման մարմինների մշտական պատրաստականության կազմակերպումը.
- ԱԻ-ի կանխարգելմանն ուղղված գիտատեխնիկական հետազոտությունների իրականացման և ծրագրերի մշակման աշխատանքների համակարգումը.

- Վայոց Ձորի մարզի կառավարման և տեղական ինքնակառավարման մարմինների, ուժերի և միջոցների պատրաստման կազմակերպումը, ԱԻ – ի առաջացման կամ սպառնալիքի դեպքում բնակչության պաշտպանության ձևերի և մեթոդների ուսուցումը.
- ԱԻ կանխարգելման և հետևանքների վերացման ուղղությամբ որոշումների նախագծերի մշակումը.
- մասնակցությունը մարզի տարածքում պոտենցիալ վտանգավոր օբյեկտների տեղաբաշխման և գործունեության կազմակերպմանը վերաբերող հարցերի քննարկմանը.
- ԱԻ-ի կանխարգելման և հետևանքների վերացման միջոցառումների անցկացմանը հասարակական կազմակերպությունների և քաղաքացիների ներգրավման աշխատանքների կազմակերպումը:

## 2.2 ԱԻՀ – ի գործառնությունները

- Տեխնաձին, բնապահպանական և այլ աղետների առաջացման, ճառագայթային, կենսաբանական, հիդրոօդերևութաբանական իրադրության վատթարացման սպառնալիքի դեպքում ԱԻՀ – ը՝
  - անհրաժեշտության դեպքում ձևավորում է օպերատիվ խմբեր՝ իրադրության վատթարացման պատճառների պարզաբանման և կարգավորելուն ուղղված առաջարկությունների մշակման նպատակով.
  - ուժեղացնում է պոտենցիալ վտանգավոր օբյեկտներում վիճակի դիտարկումները և հսկողությունը, կանխատեսում է ԱԻ – ի առաջացման հավանականությունը և հետևանքները.
  - միջոցներ է ձեռնարկում հնարավոր ԱԻ-ի վերացման համար նախատեսված ուժերի և միջոցների պատրաստականության բարձրացման և անհրաժեշտության դեպքում դրանց ենթադրվող գործողությունների շրջան տեղափոխման ուղղությամբ.
  - ստեղծում է մամուլի խումբ, հասարակայնության և զանգվածային լրատվության միջոցների հետ կապի ապահովման նպատակով:

ԱԻ – ի առաջացման և հետևանքների վերացման դեպքում ԱԻՀ-ը՝

- կազմակերպում է կառավարման մարմինների, հիմնարկների, կազմակերպությունների, ձեռնարկությունների և բնակչության ազդարարումը ԱԻ-ի մասին.
- աղետի գոտի է ուղարկվում ԱԻՀ-ի օպերատիվ խումբ, իսկ անհրաժեշտության դեպքում նաև շարժական կառավարման կետ.
- կազմակերպում է հասարակական կարգի պահպանությունը, հրդեհների շիջումը, նյութական և մշակութային արժեքների պահպանությունը.

- կազմակերպում է կառավարման կետերի ծավալումը, անհրաժեշտ ուժերի և միջոցների օպերատիվ ներգրավումը և դրանց արդյունավետ օգտագործումը աղետի գոտում.
- կազմակերպում է ԱԻ-ի հետևանքների ուսումնասիրումը և գնահատումը, դրանց վերացումը, նյութատեխնիկական պաշարների նպատակահարմար օգտագործումը.
- կազմակերպում և համակարգում է աղետի գոտուց բնակչության տարահանման գործողությունները և տուժածներին անհրաժեշտ առաջնահերթ օգնության ցուցաբերումը.
- կազմակերպում է կազմակերպություններից և քաղաքացիներից (այդ թվում նաև արտասահմանյան) որպես օգնություն աղետի գոտի մուտք գործող նյութական և ֆինանսական միջոցների հաշվառումը և բաշխումը.
- համակարգում է աղետի գոտում բնակչության անհետաձգելի բուժօգնությունը, հիգիենիկ-հակահամաճարակային և կենսապահովման միջոցառումները.
- մասնակցում է ԱԻ-ի պատճառների բացահայտմանն ուղղված պետական հանձնաժողովների աշխատանքներին.
- ապահովում է կառավարման մարմինների տեղեկացումը աղետի գոտում իրադրության ու աշխատանքների ընթացքի մասին և զանգվածային լրատվության միջոցներով տեղեկացնում է բնակչությանը.
- իրականացնում է հսկողություն զանգվածային լրատվության միջոցներով ԱԻ-ի մասին տեղեկությունների տարածման ընթացքի նկատմամբ: Միջոցներ է ձեռնարկում կեղծ, չստուգված, խուճապային լուրերի և հաղորդակցությունների տարածման արգելմանն ուղղությամբ:

### 2.3 ԱԻՀ – ի իրավունքները՝

- ԱԻՀ-ն իր խնդիրների կատարումն ապահովելու նպատակով իրավունք ունի՝
- Մարզի կազմակերպությունների և ձեռնարկությունների առաջատար մասնագետներին ներգրավել պոտենցիալ վտանգավոր օբյեկտների նախագծերի փորձաքննությանը, օբյեկտների անվտանգության ապահովման հսկողությանը.
- մասնակցել արտադրական օբյեկտների կառուցապատման, տեղաբաշխման սխեմաների ու նախագծերի, տնտեսական և սոցիալական զարգացման ծրագրերի մշակմանն ու քննարկմանը.
- սահմանված կարգով ներգրավել ուժեր ու միջոցներ փրկարարական և այլ անհետաձգելի աշխատանքների կատարման համար.

- մարզպետին ներկայացնել առաջարկություն՝ ԱԻ-ի ծագման դեպքում մարզում գտնվող արտադրական օբյեկտների (անկախ սեփականության ձևից) գործունեության դադարեցման մասին:

ԱԻ – ի սպառնալիքի և առաջացման դեպքում.

- մարզում կամ առանձին համայնքներում սահմանել բնակչության պաշտպանության համակարգի աշխատանքային ռեժիմները.
- ուժեղացնել աղետի գոտում հասարակական կարգի, խոշոր ֆինանսական և նյութական արժեքների կենտրոնացման վայրերի, բնակչության կենսագործունեությունն ապահովող օբյեկտների պահպանությունը.
- ԱԻ-ի կանխարգելման և հետևանքների վերացման համար օգտագործել նյութատեխնիկական, բժշկական, պարենային և այլ պաշարներ.
- անհրաժեշտության դեպքում աղետի գոտում սահմանել ձեռնարկությունների և հիմնարկությունների, ինչպես նաև բնակչության կենսագործունեության հատուկ ռեժիմներ.

### 3. Արտակարգ Իրավիճակների հանձնաժողովի կազմը

ԱԻՀ-ի կազմի մեջ են մտնում մարզպետի աշխատակազմի վարչությունների և առանձին բաժինների ղեկավարներ, հանրապետական գործադիր մարմինների տարածքային ստորաբաժանումների ղեկավարներ, մարզի բնակչության առաջնահերթ կենսապահովման կազմակերպությունների և հիմնարկների ղեկավարներ, ուժային կառույցների ղեկավարներ:

Աշխատանքի «ամենօրյա», «ուժեղացված» և «արտակարգ» ռեժիմների պայմաններում խնդիրների լուծման համար աշխատանքային մարմիններ են հանդիսանում.

- մարզային փրկարարական վարչությունը
- մարզի տարահանման հանձնաժողովը:

### 4. ԱԻՀ – ի աշխատանքների կազմակերպումը

ԱԻՀ-ի նախագահը անձնական պատասխանատվություն է կրում հանձնաժողովի վրա դրված խնդիրների կատարման համար: Կատարում է աշխատանքի բաժանում ԱԻՀ-ի անդամների միջև: ԱԻՀ-ի աշխատանքները կազմակերպվում են աշխատանքային ծրագրերի հիման վրա: ԱԻՀ-ի նիստերը ձևակերպվում են արձանագրություններով:

ԱԻ-ի առաջացման դեպքում ձևավորում է շտաբ, որը ղեկավարում է ներգրավված կառավարման մարմինների, ուժերի և միջոցների գործողությունները աղետի գոտում: Կախված ստեղծված կոնկրետ իրադրությունից, ԱԻՀ-ը՝ նախագահի կամ նրա տեղակալի որոշմամբ, անցնում է աշխատանքի «ուժեղացված» կամ «արտակարգ» ռեժիմի:

ԱԻՀ-ի որոշմամբ՝ ԱԻ-ի վերացմանը ներգրավվում են մարզի տարածքում գտնվող՝

- քաղաքացիական պաշտպանության ուժերը,
- ճառագայթային, քիմիական և մանրէաբանական իրավիճակի մշտական հսկողության համակարգի հիմնարկությունները.
- ՀՀ ՆԳՆ ոստիկանության Վայոց Ձորի մարզային վարչության ուժերն ու միջոցները.
- գերատեսչական վթարավերականգնողական և հակահրդեհային կազմավորումները.
- անհետաձգելի բժշկական օգնության կազմավորումները.
- մշտական պատրաստականության վթարա-փրկարարական կազմավորումները:

Մարզպետի հայտով փրկարարական աշխատանքներին կարող են ընդգրկվել նաև ՀՀ ՆԳՆ Հայաստանի փրկարար ծառայության փրկարար ջոկատները, ինչպես նաև ՀՀ ՊՆ ստորաբաժանումները՝ համաձայն փոխգործողությունների պլանի:

Կամավորական սկզբունքով արտակարգ իրավիճակների հետևանքների վերացմանը ներգրավվում են հասարակական կազմակերպությունները և բնակչությունը:



Հավելված 1

« Կայրոց ճորի մարզայտի  
2023 թ. Դեկտեմբերի .....»

N ..... որոշման

### **Վայրոց ճորի մարզի արտակարգ իրավիճակների մշտական գործող հանձնաժողովի կազմը**

- Հանձնաժողովի նախագահ ---- մարզպետ
- Հանձնաժողովի նախագահի տեղակալ ---- Արարատի զինվորական կայազորի պետ
- Հանձնաժողովի նախագահի տեղակալ ---- մարզպետի տեղակալ
- Հանձնաժողովի նախագահի տեղակալ ---- մարզային փրկարարական վարչության պետ

#### Հանձնաժողովի անդամներ

- մարզպետի աշխատակազմի գլխավոր քարտուղար
- մարզային դատախազ
- ազգային անվտանգության մարզային վարչության պետ
- ոստիկանության մարզային վարչության պետ
- մարզային փրկարարական վարչության պետի տեղակալ
- մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ
- մարզպետի աշխատակազմի ֆինանսական վարչության պետ
- մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ
- մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության գլխավոր մասնագետ
- մարզպետի աշխատակազմի գյուղատնտեսության և շրջակա միջավայրի պահպանության վարչության պետ
- մարզպետի աշխատակազմի կրթության, մշակույթի և սպորտի վարչության պետ
- մարզպետի աշխատակազմի զարգացման ծրագրերի մշակման և իրականացման բաժնի պետ
- մարզպետի աշխատակազմի առողջապահության և սոցիալական ոլորտի հարցերի վարչության պետ
- մարզպետի աշխատակազմի առողջապահության և սոցիալական ոլորտի հարցերի վարչության գլխավոր մասնագետ



- մարզպետի աշխատակազմի իրավաբանական բաժնի պետ
- մարզպետի աշխատակազմի զորահավաքային նախապատրաստության բաժնի պետ
- մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության պետ
- <<Վեոն Արմենիա>> ՓԲԸ հարավ բաժին ցանցերի շահագործման ուղղության պետ
- ՀԵՑ ՓԲԸ <<Արաքս>> մասնաճյուղ Եղեգնաձորի Էլ. ցանցի տնօրեն
- ՀԵՑ ՓԲԸ <<Արաքս>> մասնաճյուղ Վայքի Էլ. ցանցի տնօրեն
- <<Գազպրոմ Արմենիա>> ՓԲԸ Վայոց Ձորի ԳԳՄ տնօրեն
- Սննդամթերքի անվտանգության և անասնաբուժական պետական տեսչության ՎԶՄ կենտրոնի տնօրեն
- <<Հիվանդությունների վերահսկման և կանխարգելման ազգային կենտրոն>> ՊՈԱԿ <<Վայոց ձոր>> մասնաճյուղի տնօրեն